

# ESTATUTOS DA ASOCIACIÓN DE NAIS E PAIS MAGNOLIA

## CAPÍTULO I

### DA ASOCIACIÓN EN XERAL

**Artigo 1.** Coa denominación ASOCIACIÓN DE NAIS E PAIS MAGNOLIA DA E.E.I. VILALAURA constitúese unha entidade ó abeiro da Lei Orgánica 1/2002, do 22 de marzo, e normas complementarias, con capacidade xurídica e plena capacidade para obrar, carecendo de ánimo de lucro.

**Artigo 2.** Esta Asociación constitúese por tempo indefinido.

**Artigo 3.** A existencia desta Asociación ten como fins:

- a) Velar polos dereitos dos alumnos da Escola de Ensino Infantil Vilalaura, no que se refire a súa educación, de acordo co artigo 27 da Constitución Española.
- b) Defender os dereitos dos pais e nais sobre aquilo que afecte ó proceso educativo e formativo dos seus fillos e fillas.
- c) Participación na elección dos representantes dos pais nos Órganos Colexiados do Centro, Municipio, Provincia ou calquera outro Organismo de ámbito territorial máis amplo, promovendo candidatos, velando pola pureza do proceso electoral e colaborando na correcta realización das eleccións.
- d) Colaborar na labor educativa do colexio e de xeito especial nas actividades complementarias e extraescolares, promovendo e desenrolando actividades formativas, deportivas e culturais.
- e) Orientar e estimular ós pais e as nais respecto as obrigacións que lles incumben na relación coa educación dos seus fillos.
- f) Colaborar na elaboración, desenrolo ou modificación do Regulamento de Réxime Interior ou Estatuto do Colexio.
- g) Promover a participación da comunidade escolar no control e xestión do colexio en conformidade co disposto no artigo 27.7 da Constitución española.
- h) Promover a colaboración con asociacións de outros centros do noso entorno, xa directamente en cuestións específicas con ANPAS de centros próximos ou ben por medio de Federacións.
- i) Defensa dun encino de calidade, galego centrado no país, que fomente a formación responsable dos alumnos nos valores democráticos e na non discriminación por razóns económicas, relixiosas, ideolóxicas, de raza ou sexo.
- j) Requerir ós poderes públicos o cumprimento das leis, regulamentos e plans de actuación relativos a educación, reclamando a atención e axuda que ésta merece.
- k) Desenrolar programas de educación familiar, para promocionar os pais e as nais e tutores, coñecementos e orientacións relacionadas coa función educadora.

3  
Cura  
Mareiro

Benigno  
Hidalgo  
Vilado

[Handwritten signature]



- l) Contribuir e cooperar cos diversos servicios do colexio para o seu bó funcionamento.
- m) Promover reunións de colaboración de pais e nais co profesorado e fomentar as boas relacións entre ambos estamentos.

**Artigo 4.** O domicilio social da Asociación radicará na localidade de Vigo, Avenida da Hispanidade, número 86, provincia de Pontevedra. Poderán utilizar outros locais asociativos adicionais na mesma ou noutras cidades, mediante acordo da Xunta Directiva.

**Artigo 5.** O ámbito territorial no cal, a tenor dos seus fins, vai realizar fundamentalmente as súas actividades é o Concello.

## CAPÍTULO II

### **DOS ASOCIADOS**

**Artigo 6.** Poderán ser integrantes da Asociación tódolos pais e nais dos alumnos, con plena capacidade de obrar ou tralo acordo do órgano competente da persoa xurídica, que reúnan os seguintes requisitos:

- a) Que teñan interese no desenvolvemento dos fins da Asociación.
- b) Formalización escrita da integración
- c) Etc...

**Artigo 7.** Dentro da asociación poderán coexistir as seguintes clases de asociados:

- a) Numerarios: as familias dos/as alumnos/as matriculados no colexio e que serán representados nas persoas do pai, nai, representante legal ou tutor real do alumno, sempre que o soliciten. Ambos cónxuxes terán voz, e un voto por unidade familiar.
- b) Colaboradores: aquelas persoas que desexen ofertar a súa colaboración mediante a aportación do traballo persoal e axuda económica. Os socios colaboradores terán igual dereito a voz, pero sen voto.
- c) Socios de Honra: persoas e Entidades públicas e privadas nas que concurran circunstancias ou méritos extraordinarios, así reconecidos pola Xunta Directiva da Asociación. Ó igual que os socios colaboradores, os socios de honra no terán dereito a voto.

**Artigo 8.** Dereitos dos asociados:

- a) Participar nas Asembleas con voz e voto.
- b) Poder elixir e ser elixido para os cargos directivos.
- c) Tomar parte en cantas actividades organice a Asociación no cumprimento dos seus fins.
- d) Gozar todas as vantaxes e beneficios que poida proporcionar a Asociación.
- e) Facerlles suxestións ós membros da Xunta Directiva cara a millorar o cumprimento dos fins da Asociación.
- f) Recibir información sobre os acordos adoptados polos órganos da Asociación.

Eva Ferrer

Eva Ferrer

Eva Ferrer

Eva Ferrer



g) Aqueloutras que sexan recollidas na lexislación vixente.

**Artigo 9.** Os asociados terás as seguintes obrigas:

- a) Asistir ás Asembleas Xerais.
- b) Satisfacer as cotas que se establezcan.
- c) Desempeñar os cargos para os que foron elixidos.
- d) Prestar cantos servizos determinen os estatutos, o regulamento de réxime interno e os acordos das Asembleas Xerais.
- e) Observar unha boa conducta individual e cívica.
- f) Cumprir os acordos da Asemblea Xeral e o contido dos estatutos.
- g) Aqueloutras que se recollan na lexislación vixente.

**Artigo 10.** Os asociados honorarios terán as mesmas obrigas que os demais asociados agás a posibilidade de intervir nos órganos de representación e de dirección da Asociación e o pagamento da cota.

Así mesmo, terán idénticos dereitos coa excepción de poder elixir ou ser elixidos para os cargos directivos e poderán asistir ás Asembleas Xerais con voz pero sen voto.

**Artigo 11.** A condición de asociado pérdese :

- a) Por renuncia voluntaria comunicada por escrito á Xunta Directiva.
- b) Por impago de cota.
- c) Por realización de accións que prexudiquen gravemente os intereses da asociación.
- d) Por expediente disciplinario.

**Artigo 12.** A expulsión de asociados será acordada pola Xunta Directiva, trala audiencia da persoa interesada. En todo caso o acordo de expulsión deberá ser ratificado pola Asemblea Xeral extraordinaria e contra a súa resolución poderase recorrer perante a xurisdicción ordinaria.

### CAPÍTULO III

#### **DOS ÓRGANOS DA ASOCIACIÓN**

**Artigo 13.** O goberno é representación da asociación están a cargo dos seguintes órganos:

- a) A Asemblea xeral, máximo órgano do goberno.
- b) A Xunta Directiva, órgano colexiado en que a asemblea delega o goberno da asociación.

**Artigo 14.** A Asemblea Xeral de asociados é o órgano de expresión da vontade da asociación e estará formada por tódolos seus integrantes. O Presidente e o Secretario serán os mesmos que os da Xunta Directiva.

**Artigo 15.** A Asemblea Xeral reunirse con carácter ordinario dúas veces ó ano, e con carácter extraordinario cantas veces o acorde a Xunta Directiva, ou o soliciten o dez por cento dos seus asociados. Neste último caso a solicitude realizarase por medio de escrito

300-15  
Naveiro

Caldero

Diego Valado

Handwritten signature



dirixido á Presidencia, autorizado coas sinaturas dos e das solicitantes, no que se expoña o motivo da convocatoria e a orde do día.

**Artigo 16.** A Asemblea Xeral Ordinaria reunirse necesariamente o inicio do curso e o fin do curso.

Tanto a Asemblea Xeral Ordinaria como a Extraordinaria serán convocadas con sete días de antelación pola Presidencia da Asociación, e deberá ser notificada por escrito os asociados.

Na convocatoria han de aparecer o lugar, data e hora da asemblea, así como a orde do día con expresión concreta dos temas para tratar e os anexos que procedan. Tamén haberá de sinalarse a hora da segunda convocatoria, sen que entre a primeira e a segunda convocatoria poda mediar un prazo inferior a media hora.

**Artigo 17.** Para que as Asembleas poidan tomar acordos, estarán integradas polos asociados asistentes, sempre que concorran a metade máis un do total de asociados na primeira convocatoria ou con calquera número de asociados asistentes na segunda convocatoria.

**Artigo 18.** Os acordos tomaranse por maioría simple das persoas presentes ou representadas cando os votos afirmativos superen ós negativos; non serán computables os votos en branco nin as abstencións.

Será precisa a maioría cualificada das persoas presentes ou representadas, que resultará cando os votos afirmativos superen a metade destas, para:

- Ratificar a expulsión das e dos asociados por proposta da Xunta Directiva.
- Aprobar a federación con outras asociacións.
- Solicitar a declaración de utilidade pública.

**Artigo 19.** Son competencias da Asemblea Xeral Ordinaria:

- Aprobar o plan de actividades proposto pola Xunta Directiva.
- Examinar e aprobar a memoria de actividades.
- Examinar e aprobar as contas e balances do exercicio anterior.
- Aprobar o orzamento proposto pola Xunta Directiva.
- Aprobar o regulamento de réxime interno da asociación.
- Fixar as cotas ordinarias e extraordinarias.
- As demais que resulten dos estatutos e que non estean expresamente conferidas á Asemblea Xeral ou a Xunta Directiva.

**Artigo 20.** Son competencias da Asemblea Xeral Extraordinaria:

- Modificar os estatutos da Asociación.
- Disolver a Asociación e nomear os liquidadores.
- Aprobar a federación con outras asociacións.
- Ratificar a expulsión de asociados a proposta da Xunta Directiva.
- Solicitar a declaración de utilidade pública.
- Autorizar o alleamento, gravame ou hipoteca dos bens sociais.
- Elixir os integrantes da Xunta Directiva.

**Artigo 21.** Os acordos adoptados conforme cos preceptos anteriores obrigarán a todos os asociados, mesmo ós non asistentes.

As sesións comezarán coa lectura por parte do Secretario da acta da Asemblea anterior que deberá ser aprobada. A continuación comunicará a orde do día. Cada punto será

Eva M. Noveiro

Eduardo

María Vilela

[Handwritten signature]



informado polo membro da Xunta Directiva que corresponda, procedéndose á súa aprobación nos termos contidos nestes estatutos, segundo a materia que se trate. Unha vez rematados tódolos asuntos da orde do día abrírase, se así o considera oportuno o Presidente ou o solicitan un dez por cento dos asociados inscritos no libro de membros, a quenda de preguntas e suxestións. Concluído este punto, o Presidente dará por rematada a sesión.

**Artigo 22.** Poderase recorrer contra os acordos que vaian contra destes estatutos ou infrinxan os fin da Asociación en reposición perante a Asemblea Xeral. A partir da resolución deste recurso quedará expedita a vía para recorrer perante a xurisdicción ordinaria.

**Artigo 23.** A Asociación será xestionada e representada por unha Xunta Directiva composta por: Presidente, Vicepresidente, Secretario, Tesoureiro e, de selo caso, vocais. Tódalas persoas que componen a Xunta Directiva deberán ser asociados, maiores de idade, deben estar en pleno uso dos dereitos civís e non estar incurso nos motivos de incompatibilidade establecidos na lexislación vixente. Todos os cargos que componen a Xunta Directiva serán gratuitos, sen perxuízo do dereito a ser reembolsados dos gastos debidamente xustificadas. Os cargos deberán ser designados e revocados pola Asemblea Xeral Extraordinaria e o seu mandato terá unha duración de tres anos e poderán ser reelegidos.

**Artigo 24.** Os cargos da Xunta Directiva cesarán na súa función polas seguintes causas:

- a) Por renuncia voluntaria comunicada por escrito á Xunta Directiva.
- b) Por expiración do mandato.
- c) Por incumprimento das obrigas que tiña encomendadas.

Nos casos a) e b) continuarán nos seus cargos ata o momento no que se produza a aceptación de quen os substitúa.

**Artigo 25.** A Xunta Directiva reunirse con carácter ordinario unha vez ó mes e con carácter extraordinario cantas veces o determine a Presidencia ou por petición de calquera dos seus membros.

As convocatorias realizaranse como mínimo con tres días de antelación mediante citación persoal na que se recollerá a orde do día. Realizada a convocatoria, a Xunta quedará constituída pola asistencia da metade máis un dos seus membros e para que os seus acordos sexan válidos deberán ser tomados por maioría de votos. No caso de empate, o voto do Presidente será de calidade.


**Artigo 26.** As facultades da Xunta Directiva extenderanse, con carácter xeral, a tódolos actos propios das finalidades da Asociación, sempre que non requiran, segundo estes estatutos, autorización expresa da Asemblea Xeral. En particular son facultades da Xunta Directiva:

- a) Dirixir as actividades sociais e levar a xestión económica e administrativa da Asociación, acordando realizar os oportunos actos e contratos.
- b) Executar os acordos da Asemblea Xeral.
- c) Convocar as Asembleas Xerais.
- d) Formular e someter a aprobación da Asemblea Xeral o programa de actuación, así como a memoria de xestión correspondente.
- e) Formular e someter a aprobación da Asemblea Xeral o orzamento do exercicio, así como os balances e as contas do exercicio pechado.

*Eva María Navarro*

*Guillermo*

*Marta Lirio*



- f) Resolver sobre a admisión de novos asociados.
- g) Crear comisións de traballo co fin de delegar nelas a preparación de determinados actos e actividades e recadar delas informacións necesarias. Ó cargo destas comisións designarase un membro da Xunta Directiva.
- h) Nomear delegados para determinadas actividades da Asociación.
- i) Interpretar os estatutos e o regulamento de réxime interior e velar polo seu cumprimento.
- j) Calquera outra facultade que non sexa de exclusiva competencia da Asemblea Xeral.

**Artigo 27.** A Presidencia da Xunta Directiva terá as seguintes atribucións:

- a) Presidir e dar por rematadas as sesións que celebre a Xunta Directiva e a Asemblea Xeral, dirixir as deliberacións dunha e outra, e decidir con voto de calidade en caso de empate.
- b) Representar a Asociación perante calquera organismo público ou privado.
- c) Ordenar pagamentos e autorizar coa súa sinatura os documentos, actas, certificacións e correspondencia.
- d) Adoptar calquera medida urxente que a boa marcha da Asociación aconselle ou no desenvolvemento das súas actividades resulte necesaria ou conveniente, sen perxuízo de dar conta posteriormente á Xunta Directiva.

**Artigo 28.** O Presidente será asistido nas súas funcións por un Vicepresidente, que ademáis substituirano nos casos de vacante, ausencia ou enfermidade.

**Artigo 29.** O Secretario recibirá e tramitará as solicitudes de ingreso, levará o ficheiro e o libro rexistro de asociados e terá o seu cargo a dirección dos traballos administrativos da entidade. Correspóndelle, así mesmo, notificar as convocatorias, custodiar as actas e expedir certificacións destas co visto e prace do Presidente. Deberá tamén presentar as contas anuais e cumprir as obrigas documentais nos termos que legalmente se establezcan.

**Artigo 30.** O Tesoureiro exerce a dirección dos traballos de xestión económica da Asociación, a custodia e levanza dos libros de contabilidade e os inventarios, así como tódolos documentos económicos necesarios para a elaboración das contas e balances. Deberá preparar os orzamentos, as contas anuais e os balances perante a Xunta Directiva e a Asemblea Xeral, así como dar cumprimento ás ordes de pagamento que expida o Presidente.

**Artigo 31.** Os Vocais, no número que determine a Asemblea Xeral, terán as seguintes atribucións:

- a) Realizar programas e propostas na súa área de actuación.
- b) Desempeñar os traballos que lle sexan encomendados pola Xunta Directiva.

#### CAPÍTULO IV

#### RÉXIME ECONÓMICO



Eduardo Naveiro

Eduardo Naveiro

Eduardo Naveiro

Eduardo Naveiro

**Artigo 32.** A Asociación como entidade sen ánimo de lucro en ningún caso poderá distribuir os recursos obtidos entre os asociados, senón que deberán destinarse exclusivamente ó cumprimento dos seus fins.

**Artigo 33.** O patrimonio anual da Asociación é de dous mil quinientos euros.

**Artigo 34.** O exercicio asociativo e económico será o ano escolar ( setembro a xuño ). Así o seu orzamento será de curso lectivo e deberá ser aprobado pola Asemblea Xeral Ordinaria do exercicio económico que corresponda, e a liquidación do orzamento terase que presentar necesariamente na Asemblea Xeral Ordinaria inmediatamente posterior ó remate do exercicio.

**Artigo 35.** Anualmente, e con referencia ó derradeiro día do exercicio económico de cada ano, practicarase o inventario e o balance de situación, que se formalizará nunha memoria que será posta a disposición dos asociados durante un prazo de antelación non inferior a quince días do día sinalado para a Asemblea Xeral ordinaria, que deberá aprobalo ou censuralo.

**Artigo 36.** Os recursos económicos dos que dispón a Asociación para o cumprimento dos seus fins son:

- a) As cotas periódicas dos asociados.
- b) As cotas extraordinarias que proponía a Xunta Directiva e que sexan aprobadas pola Asemblea Xeral.
- c) As doazóns e subvencións que poidan conceder os organismos públicos, entidades privadas ou particulares.
- d) Calquera outro ingreso admitido pola normativa vixente para actividades non lucrativas.

**Artigo 37.** Para a disposición de fondos das entidades bancarias onde a Asociación os ten depositados, deberá a entidade bancaria ter recoñecidas as sinaturas que corresponden o Presidente e o Vicepresidente ou Tosoureiro, para o seu emprego conxunto.

## CAPÍTULO V

### MODIFICACIÓN DE ESTATUTOS E DISOLUCIÓN DA ASOCIACIÓN

**Artigo 38.** Os presentes estatutos poderán ser modificados por proposta da Xunta Directiva ou un cuarto dos asociados.

A convocatoria da Asemblea Xeral Extraordinaria estará acompañada do texto coas modificacións propostas, abríndose un prazo de dez días para que calquera asociado poda dirixirle á Secretaría as propostas ou enmendas que considere oportunas. Estas complementarán a documentación da citada Asemblea e serán entregadas cunha antelación mínima de tres días a súa realización.

**Artigo 39.** Para ser aprobada a reforma dos estatutos será necesario o voto favorable de dous tercios dos membros da Asemblea Xeral de asociados.

*Eusebio Noveiro*

*Edo*

*Alfonso Lado*

*[Handwritten signature]*



**Artigo 40.** A Asociación disolverase polas seguintes causas:

- a) Pola vontade das dúas terceiras partes dos asociados.
- b) Por outras causas determinadas legalmente.
- c) Por sentenza xudicial.

**Artigo 41.** Acordada a disolución, a Asemblea Xeral Extraordinaria designará tres asociados liquidadores, que xunto ó Presidente e ó Tesoureiro, procederán a efectuar a liquidación dos bens, pagando débedas, cobrando créditos e fixando o haber líquido resultante.

O haber resultante, unha vez efectuada a liquidación, doaráselle a outra entidade de carácter non lucrativo, inscrita no Rexistro de asociacións da comunidade Autónoma e que teña os mesmos ou similares fins.

O xustificante da doazón será presentado no Rexistro de Asociacións correspondente para proceder á inscrición da disolución da Asociación.

### DISPOSICIÓN ADICIONAL

En todo canto non estea previsto nos presentes estatutos aplicarase a vixente Lei 1/2002, do 22 de Marzo, reguladora do dereito de asociación, e as disposicións complementarias.

*Eva M. Navero*  
*[Signature]*  
*[Signature]*



**XUNTA DE GALICIA**  
CONSELLERÍA DE XUSTIZA  
INTERIOR E ADMINISTRACIÓN LOCAL  
MODIFICACIÓN DE ESTATUTOS.  
Inscrita a modificación por resolución do 26-01-2005  
ós sos efectos de publicidade de conformidade co  
artigo 22 da constitución e artigo 16 da L.D. 1/2002.  
PONTEVEDRA, de 20 de 2005  
O DELEGADO PROVINCIAL

**XUNTA DE GALICIA**  
CONSELLERÍA DE XUSTIZA  
INTERIOR E ADMINISTRACIÓN LOCAL  
MODIFICACIÓN DE ESTATUTOS.  
Inscrita a modificación por resolución do 26-01-2005  
ós sos efectos de publicidade de conformidade co  
artigo 22 da constitución e artigo 16 da L.D. 1/2002.  
PONTEVEDRA, de 20 de 2005  
O DELEGADO PROVINCIAL